

Loke Aplikasaun ba Proposta

Iha faze tuir mai husi Peace Fund hodi suporta ba promosaun juventude, koezaun sosiál no dezemvolvimentu ho Dame iha Timor-Leste

- Masimu: USD 20,000
- Durante fulan: 12-24
- Ba NGO ne'ebé rejista tiha ona

Loron ikus ba hatama proposta : **15 Desembru 2015**

APLIKA DADAUK !

Loke aplikasaun ba proposata aktividade sira iha seitór Juventude nian iha área 1 entre área temaátika 4 ba kada finansiamentu:

1. Jestaun konfliktu la violénsia
2. Igualdade jéneru
3. Direitu umanu/labarik nian
4. Edukasaun sívika

Fundu ba Dame konsidera liu proposta sira ne'ebé haree liu ba:

- Kreatividade no inovasaun
- Sustentabilidade
- Juventude marjinalizada
- Área rural sira

Kritériu sira ba projetu (ho finansiamentu to'o \$ 20.000 durante fulan 12-24)

Sé mak bele hatama proposta sira?

Organizasaun Timoroan nian ne'ebé la'os governamentál (ONG sira) ne'ebé rejistadu no inisiativa sira ne'ebé halao programa, servisu, no medida sira ba promosaun juventude, koezaun sosiál no dezenvolvimentu ho dame husi kategoria 1 entre kategoria 4 hanesan (1) jestaun konflitu la ho violénsia, (2) igualdade jéneru, (3) direitu umanu/labarik nian ka (4) edukasaun sívika mak ami enkoraja atu hatama proposta iha Peace Fund. Ida-ne'e inklui ONG sira Timoroan nian, instituisaun edukasionál, empreza sosiál, klube desportu, organizasaun ne'ebé iha relasaun ho igreja, nst., iha nível nasionál no mós munisípiu nian.

Diak liután se karik organizasaun no inisiativa sira iha tiha ona esperiéncia servisu ho projetu kooperasaun dezenvolvimentu sira (seluk). Aleinde ida-ne'e sira tenki hatama sira-nia kontribuisaun finanseira ba projetu husi proposta, pelumenus 10% husi valór total ne'ebé husu. Iha kazu espesial instituisaun internasionál sira bele hatama proposta ba atividade no projetu sira ne'ebé implementa liuhosi kooperasaun ho parseiru lokál sira.

Organizasaun no inisiativa sira ne'ebé laiha esperiéncia servisu ka kapasidade sira hanesan ami hatete iha leten maibé implementa atividade inovadora sira ne'ebé apoia promosaun ba juventude, koezaun sosiál no dezenvolvimentu ho dame mak ami enkoraja atu hatama proposta iha programa fundus kiik ne'ebé atu loke tan. (Informasaun liután sei tuir mai iha tempu badak)

Kritériu saida mak bele aplika ba organizasaun no inisiativa sira?

- Esperiéncia diak kona-ba servisu ba no ho juventude/foin-sa'e sira no hodi envolve labarik-feto ka feto foin-sa'e nu'udar benefisiáriu sira
- Kapasidade organizasionál no pesoál suficiente, esperiéncia profesionál jerál husi organizasaun ne'ebé hatama proposta, referénsia no rekomendasaun sira husi ONG seluk ne'ebé servisu tiha ona
- Prontu/vontade atu komunika no koopera ho organizasaun benefisiária seluk husi projetu Peace Fund nian
- Responsabilidade legál no finanseira klara (hanesan deskrisaun iha proposta)

Kritériu selesaun ba atividade sira husi projetu:

- Elaborasaun jerál husi proposta kona-ba projetu, orsamentu, kalendáriu no mós monitorizasaun no avaliasaun husi rezultadu sira atu hetan
- Impaktu ne'ebé hakarak hetan
- Sustentabilidade
- Análize klara husi problema no oinsá mak hasoru buat ida-ne'e liuhosi atividade iha proposta
- Benefisiáriu sira, grupu alvu (diak liu iha partisipasaun ekilibrada tuir jéneru, konsensializasaun kona-ba igualdade jéneru tenki mosu iha proposta)
- Tuir rejiaun (preferénsia ba atividade sira iha área rurál)
- Kreatividade no inovasaun
- Konsiénsia kona-ba risku no nesesidade sira husi apoiu tékniku
- Estória husi organizaun ne'ebé inklui deskrisaun kona-ba misaun no estrutura institusionál
- Ami sei konsidera ko-finansiamentu ka finansiamentu uluk nian ba projetu sira husi doadór seluk

Ami la iha espetasaun ba ita boot sira hanesan ema ne'ebe profesional iha hakerek proposta. Tanba ida-ne'e mak ami enkoraja organizaun sira ne'ebé iha interese ba Peace Fund atu kontaktu ami se karik ita boot iha kestaun ruma kona-ba proposta sira. Por favór bele mós lee tan seksaun Apoiu Tékniku hodi haree ami nia oferta atu fó apoiu ba ita boot liu husi prosesu finansiamentu .

Sé mak nu'udar grupu alvu?

Grupú alvu husi atividade sira iha proposta inklui grupu juventude no foin-sa'e ne'ebé iha relasaun ho organizaun sira, hanesan mós ema ne'ebé tau matan ba labarik ka foin-sa'e (hanesan profesór sira, inan-aman, nst.) no ema ne'ebé bele foti desizaun .

Prosedura selesaun:

Proposta sira sei avalia rezultadu sei aprejenta ba iha **Komité Orientadora** hodi halo aprovasaun final. Avaliasaun husi proposta sira bazeia ba ninia konkordánsia ho objetivu jerál sira Peace Fund nian no tuir oinsá mak sira fó apoiu hodi implementa Política Nasionál Juventude nian iha Timor-Leste. Nune'e, komité deside sé mak hetan kontratu.

Bainhira **Komité Orientadora** aprova tiha ona proposta, tenki halao **kontratu subvensaun lokál** entre organizaun ne'ebé implementa atividade sira no GIZ ne'ebé representa projetu Peace Fund nian, iha-ne'ebé parte rua hetan akordu kona-ba termu husi implementasaun projetu, no mós kona-ba finansiamentu tomak ne'ebé atu simu.

Rekerimentu sira formál hodi hatama proposta ba Peace Fund

Hodi Peace Fund bele konsidera proposta sei nesesáriu entrega dokumentu sira tuir mai:

I. Suratahan dahuluk nian ho

1. Naran, fatin, no kontaktu husi representante organizasaun nian;
2. Títulu kona-ba projetu proposta nian ne'ebé hatudu área temátika ida husi opsaun haat:
(1) jestaun konflitu la ho violénsia, (2) igualdade jéneru, (3) direitu umanu/labarik nian ka
(4) edukasaun sívika;
3. Rejiaun tarjetu ba implementasaun (fatin projetu);
4. Durasau husi atividade sira iha proposta (husi fulan/tinan to'o fulan/tinan);
5. Kustu projetu ho USD
(*ne'ebé rekizita ba Peace Fund no kontribuisaun rasik husi organizasaun ne'ebé hatama proposta*)
 - a. Kontribuisaun husi kandidatu, no/ka doadór seluk: US \$
 - b. Apoiu finanseiru ne'ebé husu ba Peace Fund: US \$
 - c. Valór totál husi projetu: US \$
6. Naran husi doadór seluk ne'ebé involve iha projetu (se karik iha);
7. Data no Asinatura husi representante organizasaun ne'ebé hatama proposta

II. Atividade sira iha proposta

(haree kritériu ba atividade husi proposta ho detalhe hodi hetan deskrisaun liután)

1. Objetivu
2. Estratéjia
3. Grupu alvu/benefisiáriu sira no área jeográfika (inklui otas, jéneru no karakterístika sira)
4. Deskrisaun husi atividade sira ho detalhe kona-ba faze preparasaun, implementasaun, durasaun, monitorizasaun no avaliasaun, akompañamentu iha tempu oin mai (haree deskrisaun ho detalhe husi atividade sira iha proposta).
Nota: Bainhira treinamentu hola parte iha atividade sira, ninia módulu/manual treinamentu kompletu ne'ebé atu utiliza tenki tuir iha aneksu.
5. Kalendáriu no planu atividade ne'ebé inklui indikasaun husi durasaun, fatin, kalendáriu, ema sira ne'ebé responsável
6. Planu ho orsamentu (*tuir métodu ho estrutura kartaun nian*, haree atividade/signifikadu spesífiku husi utilizasaun, kuantidade sira, kustu ba kada unidade, sub-totál no kustu totál jerál, *nota: labele hatama kustu administrativu/organizacionál!*), ne'ebé inklui kontribuisaun finanseira rasik no liur nian

III. Aneksu sira ne'ebé organizasaun tenki entrega:

1. Deskrisaun husi misaun/ regulamentu husi organizasaun
2. Organograma husi organizasaun/ perfil/ estrutura, inklui naran husi membru responsável sira husi organizasaun no sira-nia pozisaun
3. Lista husi fundus uluk nian no esperiénsia
4. Orsamentu husi organizasaun iha tinan rua liubá, inklui kontribuisaun husi parseiru/doadór sira formál
5. Rejistu iha FONGTIL ka iha Ministériu Justisa
6. Regulamentu ho akordu asinadu

Por favór, hatama proposta kompleta ba finansi-
amentu hamutuk dokumentu sira hotu ne'ebé
hatete iha leten ba fatin tuir mai:

PEACE FUND Timor-Leste

Eskritóriu Projetu GIZ/Kooperasaun husi Alemaña
iha Sekretaria ba Juventude & Desportu (SEJD)

Av. dos Direitos Humanos, Lecidere, Dili

Se karik iha kestaun ruma tan por favór bele telefona
ka vizita ami durante oras servisu tuir mai:

Tersa no Kuarta: 14.00 – 16.00 (ka ho rekizisaun)

Email: contact@peacefund-timorleste.org

Telefone: Luis Cardoso, +670 78384095

Se iha pergunta ruma kona-ba aspeitu finansa nian
bele telefone: Sancha Neto, +670 78384094

Aneksu 1: Deskrisaun ho detalhe husi proposta atividade iha Peace Fund 2015

Finalidade husi halo deskrisaun ho detalhe mak atu apoia entrega husi proposta ida-ne'ebé diak. Informasaun ida-ne'e ajuda ami atu foti desizaun kona-ba fó fundus ka lae ba ita boot nia atividade sira. Hanesan ne'e ita boot mós sai responsável ba implementasaun. Kestaun sira ne'ebé tuir liafuan iha kada pontu mak atu orienta ita boot kona-ba saida mak tenki hakerek no esplika iha kapitulu idaidak.

1. Objetivu

- Saida mak ita hakarak halo no atinje?
- Tanbasá mak ita hanoin katak buat ne'e importante?
- Oinsá mak ida-ne'e halo ligasaun ba promosaun juventude, koezaun sosiál no dezenvolvimentu ba dame? Oinsá projetu ne'e bele hadiak situasaun juventude timoroan nian?

Nota: Peace Fund apoia atividade sira iha setór juventude nian kona-ba (1) jestaun konfliktu la ho violénsia, (2) igualdade jéneru, (3) direitu umanu/labarik nian ka (4) edukasaun sívika .

2. Estratéjia

- Ita boot nia estratéjia saida? Tanbasá mak hili estratéjia ne'e no la hili ida seluk?
- Oinsá mak ita hatene estratéjia ida-ne'e bele atinje objetivu?
- Ita boot nia estratéjia lori mai implikasaun ruma, porezemplu bele hamosu rezultadu ne'ebé la hein? Bele mosu risku ruma? Bele prejudika relasaun balun ka individuál, grupu, viziñu sira-nian (liafuan-xave: Labele Halo Aat)?
- Bele hasoru problema ruma? Oinsá mak ita boot bele prepara an hodi hasoru problema sira-ne'e?
- Saida mak bele halo taka projetu no saida mak bele sai alternativa sira karik ida-ne'e akontese?

Nota: Peace Fund konsidera liu proposta sira ne'ebé halai ba a) kreatividade no inovasaun, b) sustentabilidade, c) haforsa juventude (marjinalizada) no d) área rural sira no ba organizasaun ne'ebé halo reflesaun kona-ba risku sira katak bele mosu no rezultadu ne'ebé la tama iha planu.

3. Grupu alvu

ho indikasaun kona-ba otas, jéneru no karakterístika sira

- a. Sé mak ita boot nia grupu alvu? Tanbasá mak ita boot deside katak grupu ida-ne'e mak importante hodi atinje ita boot nia objetivu?
- b. hakarak inklui feto/mane hira? No oinsá?
- c. Iha diferensa ruma entre oinsá mak mane/labarik-mane no feto/labarik-feto bele benefisia husi ita boot nia projetu? Se karik loos, saida mak ita boot bele halo hodi garante katak jéneru rua-ne'e bele hetan benefísiu hanesan husi projetu?
- d. Iha ema deficiente ne'ebé atu benefisia husi ita boot nia projetu? Saida mak ita boot bele halo hodi garante katak sira bele hola parte iha formasaun? Ita boot presiza porezemplu apoiu liután (infraestrutura, formadór tan, rekursu sira tan) hodi bele inklui sira iha ita boot nia projetu?

Nota: Otas husi ami-nia benefisiáriu sira mak 15-30, maibé bele iha **razaun diak loos atu inklui otas diferente ka grupu tarjetu seluk** (porezemplu ema sira ne'ebé tau matan ba labarik/foin-sa'e). Projetu sira ne'ebé iha pelomenus **40 % labarik-feto/feto foin-sa'e nu'udar benefisiáriu** sei iha preferénsia.

4. Área Jeográfika ba implementasaun (fatin projetu)

- a. Tanbasá mak hili área ida-ne'e? (porezemplu iha nesesidade sira espesiál, ka ita boot iha tiha ona esperénsia servisu iha-ne'ebá ne'ebé bele sai vantajen?)

Nota: Atividade sira iha munisípiu sira, liliu iha área rural sira iha preferénsia, maski bele konsidera proposta ho juventude iha área urbana nu'udar benefisiáriu se karik iha justifikasaun diak loos.

5. Deskrisaun Atividade

inklui fatin, kalendáriu, ema ne'ebé responsável no detalle husi faze preparasaun, implementasaun, **monitorizasaun no avaliasaun**, akompañamentu iha tempu oin mai (*utiliza métodu estrutura ho kartaun*).

5.1. Deskrisaun ho detalle husi atividade sira (inklui preparasaun, implementasaun no durasaun)

- a. Oinsá mak atividade sira iha relasaun ho objetivu?
- b. Oinsá mak atividade sira iha relasaun ho área temátika jerál?

5.2. Durasaun husi atividade sira iha proposta no sustentabilidade

- Saida mak durasaun husi ita boot nia atividade? Oinsá mak ita atu halo jestaun ba tempu?
- Ita boot hakarak dezenvolve estrutura sira atu atividade sira (ka sira-nia rezultadu) bele kontinua hafoin remata finansiamentu husi Peace Fund? (Liafuan-xave: sustentabilidade, apoiu ba atividade no kapasidade sira)
- Asaun saida mak ita boot atu halao hodi buat ne'e bele akontese?

Nota: Bainhira formasaun hola parte iha atividade sira prinsipál: Tenki hatama nu'udar aneksu iha proposta módulu formasaun kompletu ne'ebé sertifikadu/rekoñesidu no katak atu utiliza iha formasaun.

5.3. Monitorizasaun no avaliasaun

(inklui definisaun husi rezultadu ne'ebe bele **atinje no impaktu sustentavel**)

- Oinsá mak ita boot bele sukat impaktu iha mudansa ba atitude juventude nian?
- Oinsá mak ita boot atu halo monitorizasaun ba atividade sira? Métopu saida – tuir ita boot nia hanoin – mak diak liu hodi halo monitorizasaun no avaliasaun ba impaktu husi ita boot nia atividade sira? (porezemplu ho grupu diskusaun, kestionáriu, entrevista, nst)
- Oinsá mak ita boot prepara prosesu kona-ba avaliasaun?

Nota: Ema sira iha koñesimentu ne'ebé suficiente kona-ba lee no hakerek? Oinsá mak ita boot bele garante katak partisipante sira laiha dúvida atu responde ho laran-moos?

5.4. Ema sira ne'ebé responsável:

- Sira koalia lian lokál?
- Sira harii tiha ona ligasaun ho grupu benefisiáriu sira?

5.5. Akompañamentu iha tempu oin mai:

Ita boot iha planu atu halo faze daruak ba projetu ne'ebé ita boot hakarak halao atividade sira? Ninia objetivu saida no oinsá mak ita boot iha planu atu hetan finansiamentu ba buat ne'e?

6. Tempu no planu atividade

7. Planu ho Orsamentu (*utiliza métodu estrutura ho kartaun*)

- a. Por favór, mós tenki hatete kustu husi formadór sira, kadernu no kaneta, hahán, kustu viajen (ba formadór sira), kustu impresaun husi materiál, nst.
- b. Bele iha kustu hirak ne'ebé la tama iha planu? Se karik loos, hodi halo saida no tanbasá?

Nota: Por favór hatete ho detalhe saida mak prezisa hola/selu tuir unidade sira, folin ba unidade ida-idak no kustu totál. Por favór hatete sasán saida mak organizaun rasik mak selu no sasán saida mak tama iha Peace Fund nia finansiamentu.

Aneksu 2: Kodigo Peace Fund

Peace Fund 2014 - 2017

Kodigo Konduta no Kriteria ba Fundu

Hamahun iha Konseitu Fundu National Juventude nia Okos

Acronyms and abbreviations

CNJTL	Conselho Nacional de Juventude TL/National Youth Council TL
FNJ	Fundu Nasional da Juventude/National Youth Fund
FONGTIL	Forum ONG Timor-Leste
GIZ-PF	Gesellschaft für Internationale Zusammenarbeit/Peace Fund
NGO	Non-governmental Organization
RedeFeto	Women Network Organisation
SEJD	Secretaria Estado da Juventude e do Desporto
SSYS	Secretariat of State for Youth and Sport

1. Objektivu

Fundu ba Dame iha intensaun atu intgra nia an ba Fundu Nacional Juventude se wainhira estabelese tiha ona, nebe ho objektivu atu suporta aktividade ONG sira nebe kontrubui ba promosaun juventude, koezaun social no dezemvolvimentu ho dame. Kontribui ba jestaun konfliktus/krize la ho violencia, igualidade generu ka diritu umanu/labarik.

2. Grupu Targeitu

Bazeia ba linha Politika National Juventude, grupu targeitu principal mak foinsa'e sira ho tinan 12 no 30, partiku-larmente sira nebe iha area rurais no area vulneravel sira iha urbanu. Responde ba disvantagem spesifiku, mais ou menus 30% husi beneficiarius (simu nain) ba actividades nebe hetan fundu kada tinan nee tenke feto foinsa'e sira, 3% deficiente sira no 15% foinsa'e sira nebe lahatene le (asugura husi monitorizasaun regular).

3. Eligibilidade

The following organizations shall be eligible to submit proposals to the Peace Fund:

- Organizasaun Juventude/Asosiasaun registradu iha Ministeriu Justisa
- Centru Juventude nebe hetan suporta husi Sekretaria de Estado de Juventude e do Desportu
- ONG sira seluk nebe registradu iha Ministeriu Justisa ou iha ONG umbrella organizasaun FONGTIL no fokus ba aktividade ba juventude.

4. Area Tematiku

Fundu ba Dame sei suporta aktividade NGO nian iha area tematiku promosaun juventude, koezaun social no dezemvolvimentu ho dame "edukasaun civika no Harii dame" hamahun iha konseitu Fundu National Juventude nia okos, nebe kontribui ba (1) managementu konfliktu la ho violensia/prevensaun krize ou (2) igualdade generu ou (3) direitus humanus no direitus labarik ka (4) edukasaun civika. Ninia objektivu espesifiku maka atu ajuda juventude sira iha managementu konfliktu, no hasa'e foinsa'e sira nia konsiensia kona ba valor civiku, hasa'e espirtu volutarialismu no solidaridade, hasa'e resilensia ba violensia no kultiva partisipasaun iha politika nebe konstrutivu ba dezemvolvimentu Timor-Leste ho dame.

5. Volume subsidiu finanseiru

Volume subsidiu bazeia ka koresponde ba kapasidade organizasaun no bazeia ba organizasaun nia eligibilidade (nebe indika ona iha kraik) no orsamentu sei la liu 20,000 USD bazeia ba orsamentu boot ba ONG sira nebe registradu iha konseitu Fundu Nacional Juventude ho durasaun aktividade fulan 12 to'o 24. Ho durasaun minimu ne, hatene ona katak aktividade nebe hetan suporta sei inklui mos faze preparasaun, implementasaun no follow-up no nebe sei hetan rejultadu tangivel no sustentavel hodi hadia situasaun juventude iha tematiku respektivu no area geografiku. Representatante husi ONG sira nebe hetan suporta iha obrigasaun atu hola parte iha Programa Treinamentu semana 4 iha area Juventude no Dame nebe ofereze husi GIZ/SEJD.

6. Managementu Fundu

GIZ hamutuk ho SEJD sei haree ka supervisa managementu fundu liu husi komisaun Peace Fund no nia Sekretariadu. Procedura submisaun no selesaun proposta no mos pagamentu no mekanismu relatoriu hatudu tiha ona iha grafiku kraik.

6.1. Komisaun Fundu ba Dame

Komisaun Fundu ba Dame nudar orgaun konjunta nebe halo desijaun hamutuk kona ba Fundus no sei sai nudar parte ba strutura "steering" tomak iha Projeitu Fundu ba Dame

Funsaun:


- Halo desijaun ba orsamentu proposta boot liu USD 10,000 no to'o deit USD 20,000 no proposta sei kobre distritu rua ba leten
- Konkoda matadalan ba implementasaun fundu
- Tuir prinsipiu servisu nebe define iha okos

Membru votante sira:

- 2 Representante GIZ/SEJD nian (ida husi GIZ no ida husi SEJD)
- 1 Representante CNJTL
- 1 Oficial Ligasaun Nacional “National Liaison Officer “

Membru konsultativu no asesor sira:

- 1 Representante Rede Feto
- Representante Parseiru Nacional, koperasaun bilateral ka organizasaun multilateral (optional)



Procedura:

- Enkontru sei organiza husi GIZ/SEJD
- Depois de simu proposta lima nebe iha kualidade, komisaun sei hala'o enkontru iha semana ha'at nia laran atu konsidera no halo desijaun ba proposta sira nee
- Proposal sira nee sei circula iha membru komisaun nia laran no asesor sira iha semana rua nia laran molok halao reuniaun/enkontru.
- Molok no durante reuniaun, sei esplika kondisaun nebe iha relasaun ho fundu bazeia ba regras no regulamentus, tanba GIZ deit mak fo fundu ba proposta nebe hetan aprovasaun se buat hotu tuir ona kondisaun ka regulamentus nebe define ona
- Quorum: Minimu membru nain 3
- GIZ/SEJD sei hakerek minutas kada enkontru tuir modelu standard no depois de sorumutu, minutas sira nee manda ba Sekretariadu Fundu ba Dame nian iha loron 3 nian laran

Mekanismu Halo Desijaun:

1. Konsensu husi (membru votantes no konsultativu) membru sira
2. Se wainhira la konsege hamusu konsensu, membru votante deit mak sei halo votasaun
3. Se nu kazu numeru rejultadu votasaun hanesan, entaun GIZ/SEJD nia vota sei konta dala rua (duplu)

6.2. Sekretariadu Fundu ba Dame

Funsaun:

Sekretariadu Fundu ba Dame nian ezekuta decisaun nebe mai husi Komisaun Fundu ba Dame. Nia responsabiliza pagamentu (hasai osan) no administrasaun fundus tuir provisasaun legal nebe aplika iha Timor-Leste no regras no regulasaun interna iha GIZ. Sekretariadu servisu iha supervijaun GIZ no SEJD nia okos no tuir prinsipiu servisu nebe define iha kraik.

7. Rekerimentus Proposta no Kriteria Selesaun

Proposta nebe eligivel ka prenze kriteria hodi hetan fundus bele hakerek iha lian Tetum, Portuges ou Ingles no tenke inklui “cover sheet” ka sampul no deskrisaun/esplikasaun projeitu nian ho detailhu hodi bele submete bazeia ba “outline” nebe tuir mai:

1. Sampul ka “Cover Sheet” ho (1) Naran, hela fatin ka ederesu, no informasaun kontaktu ema (aplikante) nian husi organizasaun; (2) Titulu proposta projeitu indika ba area tematiku ida husi area tematiku tolu: (a) managementu konflitu la ho violensia/prevensaun krize (konflitu) ou (b) igualidade generu ou (c) direitos humanos/direitos labarik; (3) regiaun (area) targeteitu ba implementasaun projeitu (fatin projeitu); (4) durasaun actividades (husi fulan/tinan to’o fulan/tinan); (5) Orsamentu/presu projeitu nian iha USD (orsamentu husi peace fund vs. kontribuisaun orsamentu husi aplikante ka organizasaun rasik); (6) Lista naran donor sira seluk nebe involve iha projeitu (se iha); (7) Tau data no asinatura husi ema nebe submete proposta.
2. Manifestasaun objektivus, indika resultadu nebe klaru/nebe bele atinje no impaktu nebe sustentavel en termus ajuda juventude sira iha managementu konflitu la ho violensia/hari’i dame
3. Deskreve kona ba grupu beneficiariu sira (simu na’in) inklui sira nia idade, generu, no karakteristiku sira, durasaun aktividade, no area geografia
4. Planu aktividade inklui indikasaun fatin, kalendaru ka “timeline”, no ema sira nebe responsabiliza
5. Deskrisaun aktividade ho detailhu nebe inklui faze preparasaun, implementasaun, monitorizasaun, no evaluasaun, “follow-up”
6. Se wainhira iha treinamentu ruma nebe pertense ba aktividade projeitu nian, modul/ manual (kompletu) sira nebe atu uza iha treinamentu nee tenke anexu (hatama) hamutuk ho proposta nebe atu submete
7. Proposta tenke responde ba necessidade juventude nian no, responde planu aksaun juventude lokal iha distritu, se iha
8. Planu orsamentu ba actividades spesifiku/sasan nebe uza, nia kuantidades, presu, “sub-total”, no total presu ba sasan tomak
9. Indikasaun kona ba organizasaun nia kontribuisaun orsamentu rasik ba projeitu, nebe organizasaun rasik selu/uja hodi implementa projeitu kompara ho apoiu orsamentu husi Peace Fund
10. “Outline” monitorizasaun no evaluasaun nian hodi prova oinsa atu sukat impaktu no mudansa atitude no hahalok grupu targetu kona ba managementu konflitu la ho violensia ou respeito direitos humanos/direitos labarik no/ou igualidade generu

11. Organisation's budget of the last two years including former partners/donors
12. Profile/estrutura organizasaun ho lista staff sira nia naran no sira nia posisaun
13. Lista susesu implementasaun actividades uluk nian, deskrisaun kona ba actividades nebe susesu ho sira nia impaktus (positivu)
14. Organizasaun nia orsamentu iha tinan rua liu ba inklui parseiru/donor uluk
15. Registrasaun organizasaun iha FONGTIL ka Ministeriu da Justisa

8. Prinsipiu Servisu

Administrasaun Fundu ba Dame sei lao tuir prinsipiu sira tuir mai: Transparensia no akuntabilidade, boa governasaun de finanseiru, justu no objetividade (desijaun sira bazeia ba kriteria objetivu nebe hakerek tiha ona), efisiensia custu/cost (administrasaun balansu vs. Aktividade relasionadu ho custu/cost), inklui stakeholders relevante hotu hotu.

Periodu ka tempo selesaun proposta no pagamentu (hasai/fo fundus) la liu semana 12. Relatoriu finanseiru la'o tuir regras nebe define tiha ona iha kontratu. Halao mos audit external regularmente (hamutuk ho organizasaun parseiru, se iha) atu verifika no mantein katak GIZ nia regras no regulasaun interna, legal no regulasaun finanseiru administrasaun publiku nian iha Timor-Leste no prinsipiu sira iha leten aplika ona. Prinsipiu servisu sai nudar baze ida ba kodigu konduta atu ema hotu hotu nebe implementa Fundu ba Dame kumpri.